

# Հայկազունի Երվանդյանների թագավորությունը: Հայաստանը Ք.ժ.ա. VII-III դդ.

2  
ԹԵՄԱ

## **Դաս 12** Հայկազունի Երվանդյանների թագավորության ձևավորման պատմաաշխարհագրական միջավայրը. թագավորության հիմնադրումը

### Գիտե՞ք, որ...

- Արմե-Շուպրիա երկիրը Ուրմե անունով ուրարտական թագավորներից առաջինը հիշարակում է Մենուան:
- Շուպրիան ասորերեն բառ է, որը համապատասխանում է պարսկական Սասուն գավառին և նշանակում է «շրջափակված»:
- Ուսումնասիրողների մի մասը գտնում է, որ Սկայորդի նշանակում է սկյութի որդի, իսկ մյուս մասն այն կարծիքն է հայտնում, թե Սկայորդի նշանակում է հսկայի որդի:
- Պարմաբաններից ոմանք կարծում են, որ հայոց թագավոր Պարույրի անունը փրիդոս է, որը հուշում է, թե նա էր առաջինը, որը կարողացավ ամբողջ Հայաստանը պարուրել մեկ թագավորության սահմանների մեջ: Դրա համար նրան կոչել են Պարույր:

## Լրացուցիչ նյութեր

### **Ք.ծ.ա. VII դարի իրադարձությունները՝ ըստ «Սասունցի Դավիթ» Էպոսի**

Մի շարք մասնագետներ գտնում են, որ Էպոսում հիշատակված Բաղդադի խալիֆն Ասորեստանի թագավոր Սենեքերիմն է, իսկ Սանասարը և Բաղդասարը՝ նրա որդիները: Մրանք Ք.ծ.ա. 681 թ. դեկտեմբերին սպանում են իրենց հորը և փախչելով, ապաստան գտնում Սասունում: Քանի որ այդ ժամանակ Հայաստանի մեծ մասը գրավում էր Վանի ուրարտական թագավորության փրկապետության փակ, ուրեմն Միւրը Ուրարտուն է, իսկ կրոնական կենտրոնը՝ Մուսասիրը, որ Ք.ծ.ա. IX դարի ասորական սեպագիր աղբյուրներում ներկայացվում է Մուսրու ձևով: Հերևաբար, Ուրարտուն Էպոսում կոչվում է նրա կրոնական կենտրոն Մուսրուի (Մուսասիրի) անունով, որը հայերենի և Սասունի բարբառի հնչյունական օրենքներով դարձել է Միւր:

Էպոսի առաջին ճյուղը նվիրված է Սենեքերիմի հայրասպան որդիներին: Ասորեստանում նրանց բարձրացրած ապստամբությունը հայերին նույնպես մղել է պայքարի օտար բռնակալների դեմ: Ուրեմն, Էպոսը հյուսվել է ոչ թե արաբական փրկապետության դեմ հայ ժողովրդի մղած պայքարի շուրջ (ինչպես ընդունված է մինչև այժմ հայագիտության մեջ), այլ Ք.ծ.ա. VII դարի սկզբում Ասորեստանում և Հայաստանում տեղի ունեցած իրադարձությունների շուրջ:



*Ասորեստանի մայրաքաղաք Նինվեի պաշարումը 612 թ.,  
հեղինակ՝ Վ. Պեդրատուկաս*

## **Դաս 13-14 Հայաստանի և Աքեմենյան Պարսկաստանի հարաբերությունները: Հայաստանը Աքեմենյան տերության կազմում**

### **Գիտե՞ք, որ...**

- *Բեհիսթունյան արձանագրության պարսկերեն մասում Հայաստանը կոչվում է Արմինա, էլամերենում՝ Հարմինույա, իսկ բաբելերեն մասում՝ Ուրարտու: Ուրարտու անվան հիշատակումը մեկ անգամ ևս ցույց է տալիս, որ այն Հայոց պետության անվանումներից մեկն էր:*
- *Աժդահակը իրանական առասպելաբանության չար վիշապն է՝ Աժի Դահականը: Աժի նշանակում է իժ, օձ, վիշապ, որի դեմ կռվում էր ամպրոպի աստվածը: Նա հայոց հին վեպում դարձել է Մարաստանի թագավոր, ում հաղթում և սպանում է Տիգրան Երվանդյանը:*
- *Սյրաբոնի վկայությամբ, Օրոնպես-Երվանդ II-ի նախնին եղել է Դարեհ I-ի զինակից Հիդարնեսը: Գուցե դա է պատճառը, որ Երվանդյան արքայացանկում առկա են Հիդարնես անունով երեք արքա:*
- *Տիրիբագին Քսենոփոնն անվանում է հյուպարքոս, ով Աքեմենյան պաշտոնյաների սանդուղքի ավելի ցածր աստիճանի վրա էր գտնվում և համապատասխանում էր սապրապոյության ենթակառավարչի պաշտոնին:*

### **Լրացուցիչ նյութեր**

#### **Երվանդ I-ի պատասխանը**

Հույն պատմիչ ու զորավար Քսենոփոնը պատմում է, որ հայոց թագավոր Երվանդ I-ը, օգտվելով Մարաստանի և Բաբելոնի միջև առաջացած պայերագմից, ապստամբում է Մարաստանի դեմ: Մարաց թագավոր Աժդահակն իր զորահրամանատար պարսիկ Կյուրոսին զորքով ուղարկում է Հայաստան՝ ապստամբությունը ճնշելու համար: Հայոց արքան, երբ լուր է ստանում Կյուրոսի մոտենալու մասին, շրտապ զորք է հավաքում և մարտակարգ կազմում թշնամու դեմ: Կյուրոսին, սակայն հաջողվում է խորամանկությամբ ձերբակալել Երվանդ

I-ին ու նրա ընտանիքի անդամներին:

Ձերբակալված հայոց թագավորին Կյուրոսը հարցնում է. «... Այդ ինչո՞ւ այժմ ոչ քուրք ես վճարում, ո՞չ գորք ես ուղարկում և սկսել ես ամբություններ կառուցել: Հայոց արքան պատրաստանում է. «...Ես ազատության էի ձգվում, որովհետև գերադասում էի, թե՛ ինքս ազատ լինեմ և թե՛ որդիներես ազատություն թողնեմ»:

Երվանդ I-ի թագաժառանգ որդի Տիգրանի միջնորդությամբ, ով դեռ պատանի հասակից Կյուրոսի որսակից ընկերն էր, նախկին հիմունքներով, բայց վճարվելիք հարկը կրկնապատկելու պայմանով, նոր պայմանագիր է կնքվում Կյուրոսի և հայոց թագավորի միջև, որը պահպանվում է երկար տարիներ:

## Հիդարնես II Երվանդյան

Քաղաքամայր Արմավիրի միջնաբերդի արևելյան որմի վրա արձանագրվել է Հիդարնես II-ի ամուսնության պարմությունը: Ջարմանալի այրեր են եղել Երվանդյան թագավորները: Հարսնացու ընտրելիս նրանք շատ բժախնդիր էին. թագուհու թեկնածու օրիորդը պետք է ունենար գեղեցկուհուն վայել ամեն բարեմասնություն՝ բարակ իրան, ձերմակ մաշկ, գեղեցիկ պարանոց, նուրբ քիթ ու շրթունք, հմայիչ հայացք, համաչափ արամնաշար: Հարսնացուի բարեմասնություններից կարևոր էին նաև լնդերը. ծիծաղելիս կամ ժպտալիս օրիորդի լնդերը չպետք է տեսանելի լինեին դիմացինին: Ասում են՝ արքայապան հարսնացուի այս բարեմասնությունները համակարգել և թագավորական դիվանում գրի է առել Հիդարնես II-ը, ով, իհարկե, հետապնդում էր մի նպատակ՝ պահպանել արքայական տոհմի ազնվագարմությունը:



Կյուրոսը և Հայաստանի թագավորը (ծախից՝ Կյուրոսը ձիու վրա, աջից՝ Երվանդ I-ը), նկարիչ՝ Ն. Կուսպել



*Արքայադուստր Տիգրանուհին Ատղահակի հետ ամուսնությունից առաջ,  
նկարիչ՝ Զ. Չաստ*



## **Դաս 15 Ալեքսանդր Մակեդոնացու արշավանքները և Հայաստանը: Հայկազունի Երվանդյանների միասնական թագավորության վերականգնումը**

### **Գիտե՞ք, որ...**

- Ք.ճ.ա. 240 թ. առաջին անգամ հունարենով գրի է առնվել Ալեքսանդրի վեպը: Վեպում Ալեքսանդր Մակեդոնացին ձգարում է հասնել անմահության, որի համար ճանապարհ է ընկնում դեպի Հայաստան:
- Աքեմենյան Արտաքսերքսես III Օրոս թագավորի օրոք Հայաստանի սարքապն էր Կողոմանոսը, ով հայոց գահի վրա կրել է «Արտաշատ» անվանումը:
- Աքեմենյանների և մակեդոնացիների միջև տեղի ունեցած Իսուսի ճակատամարտում (Ք.ճ.ա. 333 թ.) մարտադաշտ բերված հայոց բանակի թիվը 47 հազար էր՝ 7 հազար հեծելազոր և 40 հազար հեյրնակ:
- «Փոքր Հայք» հասկացությունն առաջին անգամ պարսկական մեջ հիշարակվել է Գավգամելայի ճակատամարտի կապակցությամբ: Դրա հիմքում ընկած էր Ք.ճ.ա. V դարից եկող ավանդույթը, ըստ որի՝ Հայաստանի արևմտյան մասը կազմում էր կենտրոնական իշխանությանը ենթակա վարչական առանձին միավոր:

### **Լրացուցիչ նյութեր**

#### **Ալեքսանդր Մակեդոնացու մտադրությունը**

Գավգամելայի ճակատամարտից մի քանի տարի անց հայոց Երվանդ III արքան մի հույն գիտունի հարցնում է.

– Այ. Մակեդոնացին ինչո՞ւ չհարձակվեց Հայաստանի վրա:

– Պիրի հարձակվեք, բայց Գավգամելայի ճակատամարտը խանգարեց, – պարսախսանեց գիտունը:

– Ինչպե՞ս թե, ինչո՞ւ Գավգամելայի ճակատամարտը խանգարեց, չէ՞ որ այն ավարտվեց Այ. Մակեդոնացու հաղթանակով:

– Այո, դա այդպես է: Այդ ժամանակ հայերի քաջությունն այնպես փայլարակեց, որ Մակեդոնացին հրաժարվեց Մեծ Հայքի վրա արշավելու մտադրությունից՝ զորապետներին ասելով. «Եթե հայերը Դարեհի փառքի համար այսպիսի արիություն են ցուցաբերում, ապա իրենց հողի համար մարտնչելիս մի–մի առյուծ կդառնան: Պետք չէ սրանց հեղ գլուխ դնել: Հայերը կարող են մեզ հանկարծակիի բերել և ուրբի փակ փայ մինչև այժմ մեր ձեռք բերած փառքը: Հայքը թողեք մնա մեր հաղթության ճանապարհների եզրին:



*Ալեքսանդրի կռիվը Դարեհի դեմ,  
նկարիչ՝ Պ. դա Կորպոնա (1650 թ.)*

## **Դաս 16** Հայկական թագավորությունները **Ք.Ճ.Ա. III դարում: Ներքին և արտաքին մարտահրավերները**

### **Գիտե՞ք, որ...**

- *Չնայած Փոքր Հայքը Ք.Ճ.Ա. III դարում անկախ պետություն էր, բայց նրա առաջնորդները արքայի փոխարեն կրում էին «սպարապ» փիլդոսը:*
- *Փոքր Հայքից հայտնաբերվել է արամեագիր երկկողմանի կնիք, որը կրում է Միթրատուպեսի անունը:*
- *Անտիոքոս III-ը իր քույր Անտիոքիային կնության է փոխել Ծոփքի արքա Քսերքսեսին: Հետագայում հենց նրա միջոցով էլ սելևկյան արքան սպանում է Քսերքսեսին:*
- *Արտաշեսի հրամանով զորավար Սմբատը գրավում է Բագարան քաղաք-արքավայրը: Նա այնտեղ ավարի է ենթարկում Երվանդի զանձերը, գերեվարում հինգ հարյուր ծառա և քերում Արտաշեսին:*

### **Լրացուցիչ նյութեր**

#### **Երվանդ IV արքայի հրամանը**

*Ծննդոց անտառը փնկել է փվել Երվանդ IV-ը Բագարան քաղաք-արքավայրի մոտ: Ծննդոց անտառում կային ընտիր սոճիներ, կաղնիներ և ուրիշ ծառափե-սակներ: Ծննդոց անտառից թեկուզ մի ծառ կտրողը, Երվանդ արքայի հրամանով, նետվում էր հանցանաց խուց և այնտեղ մնում մեկ փարի: Բանտարկյալին փալիս էին զանազան ուրեղիքներ և ջուր, բայց ոչ հաց: Մի ամբողջ փարի նա հացի համ չէր առնում և հանցավորը խուցից դուրս էր գալիս ուժասպառ եղած:*

*- Դա ամենասարդար պատիժն էր,- ասում էր Երվանդ թագավորը,- թող ծառ կտրողն իմանա, որ ծառը բնության համար նույնն է, ինչ մարդու համար հացը:*



## Մաքրատեր թագավորը

Ծովքի թագավոր Քսերքսեսը սովորություն ուներ յոթ օրը մեկ դուրս գալ պալատից և մի քանի պալատականների ու սպասավորների հետ պտույտ գործել քաղաքամայր Արշամաշատի փողոցներով: Եթե որևէ տեղ կեղտ էր նկատում, անմիջապես պարզում էր, թե դրա համար ով է մեղավոր: Նրա թագավորության տարիներին արշամաշատցիները հպարտանում էին իրենց քաղաքի մաքրությամբ:

– Մեր Արշամաշատի փողոցներն այնքան մաքուր են, – ասում էին նրանք, – որ կարող ես յուրը թափել ու հավաքել:

Սերունդները Քսերքսեսին են պարտական այն գովական առածի համար, որ սրեղծել էին ժամանակակիցները.

– Մարդը պիտի իր տունը մաքուր պահի Արշամաշատի նման:



Հայոց արքա Երվանդ IV, նկ.՝ Զ. Ռուպեր

## Դաս 17-18

# Հայկազունի Երվանդյանների թագավորության պետական կառավարման համակարգը, բանակը, տնտեսությունը, հասարակական կյանքը, առօրյան ու կենցաղը

## Գիտե՞ք, որ...

- Աքեմենյան տերության մեջ Հայաստանի գահը համարվում էր երկրորդը կամ երրորդը:
- 
- Ք.ծ.ա. V դարի վերջում Հայաստանի սատրապ կառավարիչները նվաճել են սեփական դրամ թողարկելու իրավունք: Մեզ հասած սատրապական դրամները թողարկել են Օրոնտես Երվանդ II-ը և Տիրիբազը:
- Հերոդոտի նկարագրած Հայաստանի Եփրատ գետով դեպի Բաբելոն իջնող ամենամեծ նավերն ունեին հինգ հազար տաղանդ փարողություն, որը հավասար է 151,5 տոննայի:
- Հերոդոտի տեղեկությունների համաձայն՝ Աքեմենյան տերության կազմում գրնվող Հայաստանում սրեղծվել է երկու սատրապություն՝ 13-րդ և 18-րդ սատրապությունները:
- Գինին գարեջրից չփարբերելու վերաբերյալ Քսենոփոնի տեղեկությունը ցույց է փախիս, որ մինչև Ք.ծ.ա. V դարի վերջը գարեջուրը անձանոթ է եղել հույներին:
- Քսենոփոնը դեռ առաջներում որպես ավար վերցրած իր պառավ ձին նվիրում է գյուղի գեղջավազին, որպեսզի նա սնուցի ու զոհաբերի, քանզի լսել էր, որ այն նվիրված էր արևի աստծուն՝ Հելիոսին:

## Լրացուցիչ նյութեր

### **Թունավոր մեղր**

Դուրս գալով Հայաստանից, հեղինակները հասնում են կոլիտերի երկիր: Այս վայրերում նրանք գտնում մեծ քանակությամբ մեղվափեթակներ, որոնցից հաճախ մեղրից սրացվում էր թանկագին խորիախ: Բայց դրանք ճաշակողները բռնվում էին ինչ-որ փարփոհնակ ախտով, քանզի այդ մեղրն ուրոհները կորցնում էին իրենց գիպակցությունը և, ընկնելով գետին, նմանվում էին մեռյալների: Քանի որ քաղցր համի պարճառով շարերն էին դրանից կերել, սպա այնքան մեծ բազմություն էր գեղնին ընկած, ասես պարտազմում ջախջախվել էին... Հաջորդ օրը, գրեթե նույն ժամին, բոլորն էլ ուշքի էին գալիս և սպիտակաբար վերականգնելով իրենց դաբողությունը, վեր էին կենում: Նրանց մարմնական վիճակն այնպիսին էր, ասես թունավորումից էին փրկվել:

### **Հերոդոտոսը Բաբելոնի հետ Հայաստանի առևտրի մասին**

«Այժմ ես կպարմեմ մի քանի մասին, ինչը ինձ այդ քաղաքում (Բաբելոնում) թվում է ամենագարնանալին: Նավերը, որոնցով (ասորեստանցիները) նավում են գերն ի վար, դեպի Բաբելոն, կլոր են և ամբողջովին կաշվեպար: Արմենիայում, որը գտնվում է Ասորեստանից վերև, նրանք կտրում են ուռենիները (որոնցով) պարասարում են նավի կողերը և դրանք պարում կաշվե ծածկով, նավի հարակի նման:

Նրանք ո՛չ նավի հեղնամասն են լայնացնում, ո՛չ էլ նրա առաջամասը նեղացնում, այլ փայիս են դրան վահանի նման կլոր ձև: Ամբողջ նավը լցնում են ծղորով, բեռնում այն և թողնում հոսանքն ի վար: Նրանք մեծ մասամբ փեղափոխում են գինու կարմիր կարասներ: Նավերը վարում են երկու լայնաբերան թիակներով կանգնած երկու մարդ: Նրանցից մեկը թիակը քշում է դեպի իրեն, մյուսը՝ հրում իրենից: Այդ նավերը պարասարվում են խոշոր և առավել փոքր... Յուրաքանչյուր նավի մեջ կա կենդանի գրաստ, իսկ խոշորների մեջ՝ մի քանիսը: Նավելով Բաբելոն հասնելուց և բեռը ծախելուց հետո, նրանք վաճառքի են հանում նաև նավի կմախքը և ամբողջ ծղորը, իսկ կաշիները բարձում են գրաստների վրա և վերադառնում արմենիների մոտ: Քանզի գերն ի վեր ոչ մի կերպ հնարավոր չէ նավել՝ գերն արագության պարճառով: Այդ է պարճառը, որ նրանք նավերը պարասարում են ոչ թե փայտից, այլ կաշվից: Նրանք, երբ գրաստները քշելով հեռ են դառնում արմենիների մոտ, նույն ձևով պարասարում են ուրիշ նավեր”:





*Քսենոփոնը զարեջուր է խմում հայ գյուղացիների հեղ, նկարիչ՝ Ռ. Քոչարյան*

## **Դաս 19-20 Քաղաքակրթական փոխազդեցությունները: Երվանդյան Հայաստանի մշակութային ժառանգությունը**

- *Մ. Խորենացու վկայությամբ՝ Արմավիրում կառուցվել է մեծյան և այնտեղ կանգնեցվել են Արեգակին, Լուսին և նախնիների պաշտամունքին նվիրված արձաններ:*
- *Գառնիի բուն ամրոցը հիմնադրվել է Ք.ծ.ա. III դարում: Ամրոցի ներսում գրնվել է ուրարտական սեպագիր մի արձանագրություն՝ փորագրված «վիշապ» կոչված մի քարակոթողի վրա:*

### **Լրացուցիչ նյութեր**

#### **Մարը եկավ, Երվանդ**

Արյաշեսը զորքով շարժվում է դեպի Երվանդաշապ: Կեսօրից առաջ հասնում է Երվանդի դասարակերպը՝ Երվանդակերպ և զորքին հրամայում միաձայն աղաղակել «Մար ամապ», որ հայերեն նշանակում է «Մարը եկավ»: Դրանով Արյաշեսը հիշեցնում էր այն վիրավորանքն ու թշնամանքը, որ Երվանդ արքան փածելով իր նկատմամբ՝ իրեն մար էր համարում և նույնն ուզում էր հավաքացնել պարսից թագավորին ու Սմբատին: Զինվորների այս միաձայն բացականչության հերևանքով էլ Երվանդի դասարակերպն այնուհետև կոչվում է Սարմեպ, հավանորեն Արյաշեսի կամքով, որպեսզի Երվանդի անունն այդ դասարակերպի վրայից ընդմիշտ վերացվի:

#### **Տիգրան և Աժդահակ**

Մարասպանի վիշապ-թագավոր Աժդահակը խիստ երկյուղ էր կրում Հայաստանի թագավոր Տիգրանից, մանավանդ, երբ իմանում է, որ իր հակառակորդ պարսիկ Կյուրոսը դաշն է կնքել նրա հետ: Այս երկյուղից շփոթված՝ Աժդահակը մի գիշեր վաթ երազ է փեսնում և, քնից սարսափահար վեր թռչելով, իսկույն կանչում է իր բոլոր խորհրդականներին, որ փեսած երազը մեկնաբանեն: Տխուր և ընկճված նա պատմում է երազը: «Մի անձանոթ երկրում, – ասում է, – քարձրանում էր մի մեծ լեռ, որի գագաթը, կարծես, սառնամանիքով էր պատած: Երբ նայում էի սարին, ինձ երևաց նրա գագաթին նստած մի կին, ով երկունքի ցավով էր բռնված: Այդ կինը ծնեց երեք դուռացու, որոնցից մեկը, մի ահագին

վիշապ սանձած, հարձակվեց իմ տերության վրա»: Այնուհետև շարունակելով պատմել երազը, Աժդահակը նկարագրում է, թե ինչպես ինքը մենամարտի է բռնվում այդ դյուցազնի հետ և նրա ձեռքով սպանվում:

Մեկնելով երազը, խորհրդականները թագավորին ասում են, թե նրան Տիգրանից վրանգ է սպառնում, որ պետք է զգուշանալ: Վրանգի դեմն առնելու համար Աժդահակը խորհում է ամուսնանալ Տիգրանի քրոջ՝ Տիգրանուհու հետ, կեղծ բարեկամության ու երթևեկության հնար ստեղծելու նպատակով, որպեսզի կարողանա Տիգրանին դավադրաբար բռնել և սպանել: Շատ խնդրելով, նա ամուսնանում է Տիգրանուհու հետ, ում մեծ պարիվների է արժանացնում, բայց գաղտնի չարության ուսույններ է հյուսում:

Մի անգամ Աժդահակը դիմում է Տիգրանուհուն և ասում. «Իմացիր, Տիգրանը իր կնոջ՝ Զարուհու նախանձից գրգռվելով՝ ձգտում է ինձ սպանել, որպեսզի իր կինը քո փոխարեն մարերի վրա թագուհի դառնա և աստվածների շարքն անցնի: Այժմ մնում է, որ դու կան մնաս եղբայրասեր և հանձն առնես խայտառակ կործանում, կան քո անձի օգուտը ճանաչելով, օգնես ինձ՝ եղբորդ կողմից սպառնացող վրանգը վերացնելու համար»: Աժդահակը մտքում դրել էր Տիգրանուհուն սպանել, եթե նա իր հետ չհամաձայնվեր: Խորագետ գեղեցկուհին, հասկանալով, որ դավադրություն է հյուսվում, Աժդահակին սիրալիք խոսքերով է պարասխանում, իսկ հավաքաբար մարդկանց միջոցով Տիգրանին լուր է ուղարկում ամուսնու չար խորհրդի մասին:

Շուտով Աժդահակը Տիգրանին հրավիրում է սահմանագլուխ՝ ինչ-որ կարևոր գործի մասին խորհրդակցելու: Տիգրանը, որ արդեն իմացել էր բանի էությունը, մերժում է Աժդահակի հրավերը: Նրանց մեջ կռիվ է սկսվում: Տիգրանը իր նիզակով ձեղքում է Աժդահակի զրահը, շամփրում նրան: Աժդահակը սպանվում է և նրա մահով կռիվը վերջանում է: Տիգրանը իր քրոջն ուղարկում է Տիգրանակերպում բնակվելու, իսկ Աժդահակի առաջին կնոջը՝ Անուշին իր որդիներով բնակեցնում է Մասիսի սարրոտում:





*Աժդահակի երազը, նկարիչ՝ Զ. Չաստ*